



Broj: 01-03.2-7659-18/21
Datum: 27.10.2021. godine

Na osnovu člana 70. Zakona o javnim nabavkama ("Službeni glasnik BiH", broj 39/14) i Pravilnika o javnim nabavkama JP Ceste Federacije BiH d.o.o. Sarajevo, i u skladu sa preporukom Komisije za nabavke Uprava d o n o s i

O D L U K U

o dodjeli ugovora za nabavku usluga održavanja čistoće poslovne zgrade JP Ceste FBiH, ponuđaču „Ecotime“ d.o.o. Sarajevo.

I

Na osnovu odluke o pokretanju postupka javne nabavke predmetnih usluga proveden je konkurentski postupak nabavke. Obavještenje o nabavci je objavljeno na Portalu javnih nabavki dana 21.07.2021. godine. Izvršeno je prikupljanje, otvaranje, analiza i ocjena ponuda.

Do utvrđenog roka dostavljene su 2 (dvije) ponude koje je Komisija na otvorenom sastanku otvorila dana 02.08.2021.godine u 12.15 sati:

- | | |
|---|------------------------|
| 1. ECO TIME d.o.o. Sarajevo | 49.056,00 KM bez PDV-a |
| 2. ATALIAN GLOBAL SERVICES BH d.o.o. Sarajevo | 40.956,00 KM bez PDV-a |

Nakon donošenja odluke o dodjeli ugovora, ponuđač je uložio žalbu na odluku o dodjeli ugovora. URŽ BiH je donjeo rješenje o usvajanju žalbe i poništio odluku o dodjeli ugovora.

Komisija je nakon dostavljanja Rješenja URŽ i postupajući po Rješenju, pristupila ponovnom pregledu ponuda. U skladu sa predmetnim Rješenjem URŽ, ponuda ponuđača „ATALIAN GLOBAL SERVICES BH“ d.o.o. Sarajevo nije prihvatljiva, jer ponuđač u Obrascu Aneks 10, nije naveo orijentacione sate tj. vrijeme tokom dana kada će obavljati određene aktivnosti, iako je obrazac popunjen i potpisan.

Formirana je rang lista :

- | | |
|----------------------------|--|
| 1. ECOTIME d.o.o. Sarajevo | 49.056,00 KM bez PDV-a
57.395,52 KM sa PDV-om |
|----------------------------|--|

E aukcija nije mogla biti zakazana jer je dostavljena jedna prihvatljiva ponuda.

Utvrđeno je da je ponuđač „Ecotime“ d.o.o. Sarajevo dostavio prihvatljivu/najpovoljniju ponudu, za dodjelu ugovora za usluge: održavanje čistoće poslovne zgrade JP Ceste FBiH, prema kriteriju najniža cijena, utvrđenim u tenderskoj dokumentaciji, te je dala preporuku Upravi da ugovor dodijeli ponuđaču „Ecotime“ d.o.o. Sarajevo.

„Ecotime“ d.o.o. Sarajevo je dužan u skladu sa zahtjevima iz Tenderske dokumentacije dostaviti originale ili ovjerene kopije dokumenta iz člana 45. (stav 2) Zakona o javnim nabavkama.

Ukoliko izabrani ponuđač ne dostavi traženu dokumentaciju u određenom roku, postupak će biti poništen.

Cijeneći navedeno, Uprava donosi odluku kao u dispozitivu.

II

Po okončanju roka za žalbu, ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku shodno nacrtu ugovora datom u tenderskoj dokumentaciji.

Pravna pouka:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

Ljubo Praydić, Direktor

